

# АЛЛОХ ФАЗАБЛАНГАН ТОИФАЛАРЫ



Ахборот замонидаги турли мафкуралар тортишуви кескин тус олаётган бир вазиятда жаҳолатга қарши маърифат билан курашиб мухим аҳамият касб этмоқда. Шу боис, экстремизм ва терроризмнинг асл мазмун-моҳияти, нохуш оқибатлари ва Ислом дини таълимотларида бундай ҳаракатлар қаттиқ қораланишига оид маълумотлар қўйида баён этилади.

## ЭКСТРЕМИЗМ ВА ТЕРРОРИЗМ ДЕГАНДА НИМА ТУШУНИЛАДИ?

**ЭКСТРЕМИЗМ** (лотинча – “акл бовар қилмас даражада”, “ҳаддан ошиш”) жамиятда қабул қилинган қонун-қоидаларга зид бўлган, кескин радикал қарашлар ва ҳаракатларни англатади. Бундай ҳаракатларга диний тус бериш диний экстремизмга олиб келади.

**ДИНИЙ ЭКСТРЕМИЗМ** – жамият учун анъанавий бўлган диний қадриятлар ва ақидаларни рад этиш, уларга зид бўлган ғояларни алдов ва зўрлик билан тарғиб қилишга асосланган назария ва амалиётни англатади.

**ТЕРРОРИЗМ** (лотинча – “қўрқитиш”, “ваҳимага солиш”) – аҳолининг кенг қатламларида ваҳима ва қўрқув уйғотиш, жамиятда бекарорлик келтириб чиқариш орқали давлат ҳокимиятини эгаллаш мақсадига қаратилган жиноий фаолиятдир.



## ЭКСТРЕМИСТИК ҒОЯ ВА ҚАРАШЛАР ПАЙДО БҮЛИШИННИНГ САБАБИ НИМАДА?



«Қачонки исталған кимсанинг нобоп фикри фатво деб қабул қилинаверар экан, биз ислом ҳуқуқининг мўътадиллигини сақлаш ва мутаассиблик устидан ғолиб бўлишида энг муҳим воситани қўлдан бой бериб қўямиз».

Миср муфтийси Шавқий Аллом,  
«Дунё уламолари мурожаати» китобидан.



**ЭКСТРЕМИЗМ КЕЛИБ ЧИҚИШИННИНГ АСОСИЙ САБАБИ  
БУ – МУТААССИБ** фикр ва қарашларнинг пайдо бўлишидир.  
Шунингдек, унинг асосида илмсизлик ётади!

**МУТААССИБЛИК** – муайян ғояларнинг тўғри эканига кўр-кўрона қаттиқ ишониш ва уларга ҳаддан зиёд берилиш, “ўзгалар” ва “ўзгача” қараш ва ғояларга муросасиз муносабатда бўлиш, бошқа фирмә ва мазҳабларни бутунлай рад этган ҳолда, уларни тан олмасликда намоён бўлади. Мутаассиблик барча даврларда келиб чиқсан турили дин ва йўналишлар орасидаги низо ва тўқнашувларнинг асоси бўлган. Айни пайтда диний ва дунёвий билимларнинг саёзлиги, соғ диний тушунчаларнинг асл мазмунини билмаслик, ёшларни экстремистик ғоялар таъсирига тушиб қолишига бош сабабdir!



**“КИМ ҲАҚ ЙЎЛНИ АНИҚ  
БИЛГАНИДАН КЕЙИН ПАЙҒАМБАРГА  
ХИЛОФ ИШ ҚИЛСА ВА МҮМИНЛАРНИНГ  
ЙЎЛЛАРИДАН БОШҚА ЙЎЛГА ЭРГАШИБ  
КЕТСА, БИЗ УНИ КЕТГАНИЧА ҚЎЙИБ  
БЕРАМИЗ. СЎНГРА ЖАҲАННАМГА ДОХИЛ  
ҚИЛАМИЗ. НАҚАДАР ЁМОН ЖОЙДИР У!”**

(Нисо сураси, 115-оят).



Шу ўринда таъкидлаш лозимки, экстремизм ва терроризм дин танламайди, балки маълум бир соф диний тушунчаларнинг асл мазмунини бузиш натижасида вужудга келади.



### **ЭКСТРЕМИСТИК ТАШКИЛОТЛАРНИНГ КЕНГ ТАРМОҚ ОТИШИННИНГ САБАБИ НИМАДА?**

Дарҳақиқат ҳозирда экстремистик ташкилотлар кенг тармоқли тизимга айланиб улгурди. Бу чуқур ўйланган стратегиянинг бир қисмидир. **Аввало, барча экстремистик ташкилотлар учинчи давлатлардаги тадқиқот марказлари, таъбир жоиз бўлса “ғоявий лаборатория”лар маҳсули эканини унутмаслик лозим.** Шу ўринда, экстремистик оқимларни бажарадиган функцияларига кўра шартли равишда 3 групга бўлиш мумкин:

**Биринчи групга** кирувчи ташкилотларнинг асосий “вазифа”си бу одамларни гўёки “исломлаштириш” ва “тақвога чақириш”дан иборат. Бундай групхлар қаторига “Таблиғчилар” ташкилотини киритиш мумкин.

**Иккинчи групдаги** ташкилотларнинг вазифаси эса, “исломийлаштирилган” тоифани мутаассиб ғоялар сингдирилган, муайян ғоя ва раҳнамога сўзсиз эргашадиган “кадр”лар сифатида тайёрлашдир. Бундай групхлар қаторига “Нурчилар” ва “Ҳизб ат-тахрир” каби экстремистик ташкилотларни киритиш мумкин.

**Учинчи групдагилар** эса юқоридаги ташкилотлар томонидан тайёрланган кишиларни “исломий давлатни қуриш учун жиҳодни амалга ошириш”га сафарбар этиш билан шуғулланади. Бу групга барча террорчи ташкилотлар киради.



## ЭКСТРЕМИСТИК ҲАРАКАТЛАР ҚАНДАЙ МАҚСАДЛАРНИ КҮЗЛАБ ФАОЛИЯТ ОЛИБ БОРАДИ?

Экстремистик рухдаги террорчи ташкилотларнинг **стратегик мақсадлари**, аввало, **гүёки**, “**шариатга асосланган давлат тузиш**” бўлиб, бу бир неча босқичда амалга оширилиши режалаштирилган.

**Биринчи босқичда** аҳолини кенг кўламда гўё “исломийлаштириш” назарда тутилади. Бунда, аввало, **диний илми саёз бўлган кишиларда** исломнинг фарзларига амал қилиш лозим, бу ишларни бажармаганлар мусулмончиликдан чиқади, каби ғоялар уқтирилади. Шу билан бирга, **яширин “хўжралар” ва вертуал “гуруҳ”лар тузиш** ва унда ўқиётгандарга, диний таълим ниқоби остида, ўз қараашларини сингдириш ишлари олиб борилади. Бир қараашда бундай “даъват”дан ҳеч кимга ҳеч қандай зарар йўқдек кўриниши мумкин. Аслида эса бу “чукур ўйланган стратегия”нинг бир қисмидир.

**Иккинчи босқичда** энди “исломийлаштирилган” тоифада ҳукumat, мавжуд конституциявий тузум, расмий диний тузилмалар ва уламоларга нисбатан норозилик кайфиятини уйғотиш ва шу орқали ижтимоий-сиёсий вазиятни бекарорлаштириш кўзланади.

**Учинчи босқичда** эса аҳоли орасида айниқса, ижтимоий тармоклар “такfir” (мусулмонни куфрда айблаш), “хижрат”, “жиход”, “шахидлик”, “ислом диёри” ва “куфр диёри” каби тушунчаларни **бузилган талқинини кенг тарқатиш**, аъзоларга экстремистик рухдаги адабиёт, видео ва аудио материалларни етказиш, динлараро ва миллатлараро муносабатларни кескинлаштириш асосий мақсад хисобланади.

Ва ниҳоят, **тўртинчи босқичга** келиб, тўпланган “жамоат”ни мавжуд ҳукumatни ағдариш ва “ислом давлатини” тузишга даъват этилади. Бунда, “жиход” ва “шахидлик” ғояларини амалда татбиқ этишга тарғиб қилиш, яширин тузилган гуруҳларни маҳсус (даъват, қўпорувчилик ва ҳ.к.) тайёргарликдан ўтказиш, аёллардан иборат ячейкаларни кучайтириш ва охир-оқибат террор воситаларидан фойдаланган ҳолда “мақсадга эришиш” кўзланади.



## ЭКСТРЕМИСТИК ВА ТЕРРОРЧИ ТАШКИЛОТЛАР ҚАНДАЙ МОЛИЯВИЙ МАНБАЛАРГА ТАЯНАДИ?

**ЗАМОНАВИЙ**

ТЕРРОРИЗМ ХИЛМА-  
ХИЛ МОЛИЯВИЙ  
МАНБАЛАРДАН ОЗИҚ-  
ЛАНИШИ ҲИСОБИГА  
ФАОЛИЯТ ҚАМРОВИНИ  
КЕНГАЙТИРИШГА, МОД-  
ДИЙ-ТЕХНИК БАЗАСИ-  
НИ МУСТАҲКАМЛАШГА  
ХАРАКАТ ҚИЛМОҚДА.

**ТЕРРОРЧИ**

ТАШКИЛОТЛАРНИ  
ОЗИҚЛАНТИРИБ  
ТУРУВЧИ АСОСИЙ  
МОЛИЯВИЙ МАНБА-  
ЛАР ҚҮЙИДАГИЛАР  
ҲИСОБЛАНАДИ:

ОЧИК, РАСМИЙ ФАОЛИЯТ ЮРИТУВЧИ  
ТУЗИЛМАЛАРДАН ОЛИНАДИГАН ДАРОМАДЛАР



УЮШМА АЪЗОЛАРИ ТЎЛАЙДИГАН БАДАЛЛАР



НОҚОНУНИЙ ҚУРОЛ-ЯРОФ САВДОСИ



КИДНЕППИНГ (ОДАМЛАРНИ ТОВОН ПУЛИ  
УНДИРИШ МАҚСАДИДА ЎҒИРЛАШ)



ҖАРОҚЧИЛИК ВА БОСҚИНЧИЛИК



НАРКОБИЗНЕС



Шу БИЛАН БИРГА, ТЕРРОРЧИЛИК ТАШКИЛОТЛАРИ АЙРИМ  
ЙИРИК ДАВЛАТЛАР ТОМОНИДАН МОЛИЯЛШТИРИЛИБ  
ТУРИЛИШНИ ҲАМ АЛОХИДА ҚАЙД ЭТИШ ЛОЗИМ



### АЗИЗ ЁШЛАР, ЭКСТРЕМИЗМНИНГ ИСЛОМГА ХЕЧ ҚАНДАЙ АЛОҚАСИ ЙЎҚ!

## ЭКСТРЕМИЗМ ВА ТЕРРОРИЗМГА ҚАРШИ КУРАШ БЎЙИЧА АЛ-АЗҲАР КОНФЕРЕНЦИЯСИННИНГ «АЛ-АЗҲАР ХАЛҚАРО БАЁНОТИ» НОМЛИ ЯКУНИЙ ХУЛОСА ВА ТАВСИЯСИДАН

Ўзларига динни байроқ қилиб олиб, уммат фарзандларига нисбатан зўравонлик ва террор амалиётидан фойдаланаётган қуролланган фирмә, жамоа ва турли хилдаги гурухларнинг асл исломга ҳеч қандай алоқаси йўқ. Аслида, уларнинг қарашлари бузғунчи, тутган йўллари эса гуноҳ ботқоғидир. Зеро, аҳолининг тинчлигини бузиш, бегуноҳ инсонларнинг қонини тўкиш, уларнинг шаъни ва мол-мулкига тажовуз қилиш, диний қадриятларини топташ инсониятга зид бўлган жиноятлар бўлиб, Ислом дини бу каби амалиётларга бутунлай қаршидир.

**«Ал-Азҳар» халқаро баёномоти**



## АСЛ ҚИЁФА!



Юқорида қайд этилганидек, экстремистик ташкилотларнинг аксарияти ўз номини муқаддас Ислом дини билан боғлашга уринади. Улар ўзларини “нажот топган гурӯҳ” қолган мусулмонларни эса “коғир” ҳисоблайди. Аслида-чи? Аслида ҳам шундайми? Йўқ, албатта!

«Ислом» сўзининг луғавий маъноларидан бири “тинчлик”дир, динимиз ҳеч қачон бузғунчиликка, қотилликка унданмайди. Замонавий экстремист ва террорчилар эса бузғунчилик, қотиллик ва одамларни даҳшатга со-лишни ўзининг вазифаси деб билади.



Куръони каримда бегуноҳ одамларнинг жонига қасд қилиш қораланиб, жумладан “Нисо” сурасининг 93-оятида Аллоҳ таоло шундай хитоб қиласди:

**“КИМДА-КИМ ҚАСДАН БИР  
МЎМИННИ ЎЛДИРСА, УНИНГ ЖАЗОСИ  
ЖАҲАННАМДА АБАДИЙ ҚОЛИШДИР.  
ЯНА УНГА АЛЛОҲ ҒАЗАБ ҚИЛГАЙ,  
ЛАЪНАТЛАГАЙ ВА УНГА УЛКАН  
АЗОБНИ ТАЙЁРЛАБ ҚЎЙГАЙ”.**

Ҳадисларда ҳам бу борада кўплаб хабарлар келган. Жумладан, Имом Термизий ривоят қилган ҳадисда Расулуллоҳ соллаллоҳу алайҳи васалламнинг: “Аллоҳ таолонинг наздида бир мусулмон кишининг ноҳақ қатл этилишидан кўра, ёруғ дунёнинг барбод бўлиб кетиши енгилроқдир”, – деганлари ривоят қилинган.

Юқоридаги мулоҳаза ва далиллар, экстремизм ва терроризмнинг АСЛ ҚИЁФАСИНИ очиб беради ва мазкур ҳаракатларнинг нафақат дунёвий қонун-қоидалар, балки Ислом дини асосларига ҳам мутлақо зид эканини кўрсатади.



## НАЖОТ ТОПГАН ЖАМОА!

**Аҳли сунна вал жамоа** “Суннатга амал қилувчи ва жамоатга эргашувчи кишилар”, деган маънони англатади.



Абу Ҳурайра розияллоҳу анҳудан ривоят қилинади:

**“НАБИЙ СОЛЛАЛЛОҲУ АЛАЙХИ ВАСАЛЛАМ:  
“ЯҲУДИЙЛАР ЕТМИШ БИР ЁКИ ЕТМИШ ИККИ  
ФИРҚАГА БЎЛИНДИЛАР. НАСОРОЛАР ЕТМИШ  
БИР ЁКИ ЕТМИШ ИККИ ФИРҚАГА БЎЛИНДИЛАР.  
МЕНИНГ УММАТИМ ЭСА ЕТМИШ УЧ ФИРҚАГА  
БЎЛИНАДИ», ДЕДИЛАР».**

Бошқа ривоятда:

**«ЕТМИШ ИККИТАСИ ДЎЗАХДА, БИТТАСИ  
ЖАННАТДА. У – ЖАМОАТДИР»** ибораси зиёда қилинган.

Аҳли сунна вал жамоа – ислом тарихининг барча даврларида мусулмонларнинг катта қисмини ташкил қилган. Улар Пайғамбаримиз соллаллоҳу алайҳи васаллам ва суннатларини маҳкам ушлаган дин пешволари бўлмиш саҳобалар, тобеъинлар ва тўрт мўътабар фиқҳий мазҳаб имомлари йўлларига эргашган жамоадир. Аҳли сунна вал жамоа мазкур улуғларнинг йўлини нақл ва муттасил иснод (офизма-офиз эшитиш) билан қабул қилиб олганлардир.

Билиб қўйинг! Аҳли сунна вал жамоа вакилларининг барчаси муҳим ақидавий масалаларда бир хил эътиқод қиласди! Гарчи уларнинг ифода услублари, яъни этиқодларини баён қилиб бериш услублари хилма-хил бўлса-да ҳаммасининг мақсади бир хилдир!

«Аҳли сунна вал жамоа» деганда тўрт тоифа – аҳли ҳадислар, сўфийлар, ашъарийлар ва мотуридийлар тушунилади!

«Аҳли ҳадис» деганда фиқҳий ҳанбалий, «кашъарийлар» деганда асосан шофеъий ва қисман моликий мазҳаби вакиллари назарда тутилади. «Мотуридий» деганда асосан, ҳанафийлар ва қисман моликий ва ҳанбалийлар тушунилади. «Аҳли виждан» деганда эса, ҳақ йўлдаги мўттадил тариқатчилар тушунилади.

**ШУНДАЙ ЭКАН, ЭКСТРЕМИЗМ ВА ТЕРРОРИЗМГА ҚАРШИ  
КУРАШДА БАРЧАМИЗ ЎЗ БУРЧИМИЗНИ ҲИС ЭТИШИМИЗ, ОГОХ  
БЎЛИШИМИЗ, АЙНИҚСА, ЁШЛАРИМИЗ ВА ВАТАНИМИЗ КЕЛАЖАГИ  
УЧУН МАСЪУЛ ЭКАНИМИЗНИ УНУТМАСЛИГИМИЗ ЛОЗИМ!**



## ЭКСТРЕМИСТИК ОҚИМЛАР ФАОЛИЯТИГА ҚОНУНИЙ БАХО:

Экстремистик оқимлар фаолиятида турли шаклларда иштирок этиш Ўзбекистон Республикаси Жиноят Кодексининг қуйидаги моддалари асосида жиноий жавобгарликтарга олиб келади:

- **154-1-модда.** Чет давлатларнинг ҳарбий хизматига, хавфсизлик, полиция, ҳарбий адлия органлари ёки шунга ўхшаш бошқа органларига хизматга кириш, ёлланиш;
- **156-модда.** Миллий, ирқий, этник ёки диний адват қўзғатиш;
- **159-модда.** Ўзбекистон Республикасининг конституциявий тузумига тажовуз қилиш;
- **216-модда.** Жамоат бирлашмалари ёки диний ташкилотларни қонунга хилоф равишда тузиш;
- **216-1-модда.** Файриқонуний жамоат бирлашмалари ва диний ташкилотлар фаолиятида қатнашишга ундаш;
- **216-2-модда.** Диний ташкилотлар тўғрисидаги қонунчиликни бузиш;
- **244-1-модда.** Жамоат хавфсизлиги ва жамоат тартибига таҳдид соладиган материалларни тайёрлаш, саклаш, тарқатиш ёки намойиш этиш;
- **244-2-модда.** Диний экстремистик, сепаратистик, фундаменталистик ёки бошқа тақиқланган ташкилотлар тузиш, уларга раҳбарлик қилиш, уларда иштирок этиш;
- **244-3-модда.** Диний мазмундаги материалларни қонунга хилоф равиша тайёрлаш, саклаш, олиб кириш ёки тарқатиш;
- **246-модда.** Контрабанда (... диний экстремизм, сепаратизм ва ақидапарастликни тарғиб қилувчи материалларни Ўзбекистон Республикасининг божхона чегарасидан ўтказиш).



Диний-маърифий сайт ва ижтимоий тармоқлар рўйхати



Жаҳолатга қарши маърифат йўналишидаги мャълумотлар базаси

Шаръий савол-жавобларга ихтисослашган сайtlар, ижтимоий тармоқлар, ботлар ва Кол-марказ: **(78) 150-33-44,** **Fatvo.uz, savollar.muslim.uz,** <https://t.me/diniysavollar>, <https://t.me/muminalaruzb>



Муфтий Нуриддин домла ҳазратларининг "Исломда ватан тушунчasi" китоби



Шайх Муҳаммад Содик Муҳаммад Юсуф раҳимахуллоҳнинг "Дин насиҳатдир" китоби



«Хизбут-тахрир» фитнасидан огоҳлантириш» номли китоб



"Ихтилофлардан сакланайлик"



Электрон китоблар



"Оилада фарзанд тарбияси" (1-3)

Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2022 йил 27 декабрь санасидаги 9784 – сонли холосаси асосида тайёрланди.

Ўзбекистон мусулмонлари идораси